

聖

賢

像

先賢



歷代書畫家集卷下二十八

長沙鄒
振鐸西
齋印

中國國家
圖書館
藏書

胡直講翼之像



胡直講翼之贊

經術名家 旁通樂律

蘇湖之教 造士有術

束以條格 率之躬行

百世一時 尚懷典刑

徐節孝仲車像



徐節孝仲車贊

孝不為名 廉不矯世

吾盡吾心 吾安吾義

晚膺薦書 樂育多士

訓告數辭 聽者興起

韓魏公琦像



韓魏公琦贊

魏公間氣 崇志雅量

乘時奮庸 出將入相

表儀朝著 正笏垂紳

光輔三帝 社稷之臣

范魏公希文像



范魏公希文贊

德行純備 貞金粹玉

風節峻厲 霜松雪竹

先憂後樂 思濟斯民

一代賢相 前後絕倫

包孝肅公極像



包孝肅公極贊

面目稜稜 剛氣烈烈

勢力苞苴 莫我敢奪

嚴肅者政 苛刻匪心

非漢法吏 乃古直臣

歐陽文忠公修像



歐陽文忠公修贊

勳業聞望 韓范並馳

古文奧學 匹休昌黎

復三代醇 黜五季陋

一代宗工 孰居其右

周元公濂溪像



周元公濂溪贊

天不喪道乃生哲人

建圖著書發揮道真

德容清和襟度朗徹

儼如見之光風霽月

程淳公明道像



程淳公明道贊

睿質天成 克養完粹

和風慶雲 盈溢宇內

神悟嘿識 道體洞然

孰其似之 我懷子淵

程正公伊川像



程正公伊川贊

氣質剛方 文理密察

造詣精深 體用畢達

任道之重 衛道之嚴

孟氏似之 泰山巖巖

邵康節堯夫像



邵康節堯夫贊

學探造化

窮高極微

德安以成

清和坦夷

安樂富中

包宙括宇

擊壤千篇

詩家異趣

張明公橫渠像



張明公橫渠贊

張子嚴毅 德成以禮

實踐躬行 精思妙契

東西二銘 醇乎其醇

井田為治 惜志不伸

司馬文正公君實像



司馬文正公君實贊

熙寧諫諍 忠讜切深

元佑相業 旋乾轉坤

行成無偽 學幾不雜

一德醇儒 百年清節

蘇文忠公東坡像



蘇文忠公東坡贊

偉氣雄才 大節孤忠

立朝非達 居夷匪窮

傲睨千古 揮斥八極

儉人鄙夫 仰公褫魄

黃文節公山谷像



黃文節公山谷贊

孝友天性 文學夙成

詩擅名家 匹休少陵

礪節困窮 忘情富貴

黨錮諸賢 公實無媿

米南宮元章像



米南宮元章贊

辭章絕俗
翰墨入神

逸氣狂才
不受狎馴

我思人言
於子則似

不可無一
不可有二

楊文靖公龜山像



楊文靖公龜山贊

晚年立雪
早坐春風

天理人欲
蟬蛻冰融

純粹和平
朴實簡易

出處之跡
下惠或似

李忠定公綱像



李忠定公

綱贊

一用靖康

鎮遏披猖

再用紹興

方成朝廷

籌策未終

斥逐隨繼

疏草具在

讀之出涕

宋高宗像



宋高宗贊

宋祚中否

高宗再興

五馬兆祥

七廟委靈

志虧勿踐

才謝光武

恢復成虛

遺恨千古

岳武穆王飛像



岳武穆王飛贊

性成忠義 神授勇力

正氣弗阿 克勝無敵

赤手障瀾 揮戈回日

計成偃月 此恨何極

宋孝宗像



宋孝宗贊

性資英明

治行勤勵

恢復拳拳

可質天地

治兵振武

敬天仁民

事機屢垂

志卒弗伸

朱韋齋崧像



朱韋齋崧贊

早力文詞

方駕韓歐

晚窺聖學

宗師程周

知言之微

知德之真

成子大儒

克任斯道

朱文公晦菴像



朱文公晦菴贊

道純德備
理明義精

具聖人體
集諸儒成

秋肅春溫
海涵嶽峙

斯文禎幹
後學儀矩

張宣公南軒像



張宣公南軒贊

穎悟夙成

大本先立

識見粹純

踐履篤實

明體適用

志意偉然

義利之辨

式示大闢

呂成公東萊像



呂成公東萊贊

氣備中和 心含古今

克治之勇 涵養之深

宗程翼朱 共相斯道

中原文獻 惟子是紹

陸文安公象山像



陸文安公象山贊

學探本原 先立大體

作聖功夫 直捷簡易

高明自得 蔑裂則誣

聖道大中 豈容殊途

陳文毅公亮像



陳文毅公亮贊

經濟大志

恢復雄圖

慷慨談兵

氣激懦夫

道兼王霸

論雜義利

要之聖門

異乎不異

黃文肅公勉齋像



黃文肅公勉齋贊

早承師訓

體認佩服

明睿端莊

造詣純篤

昌明光大

不迷真傳

訂正三禮

後學賴焉

蔡文節公西山像



蔡文節公西山贊

精識博聞 英氣偉才

一時師門 邈焉寡俦

禮樂象數 性命道德

考訂發揮 俟聖不惑

蔡九峰沉像



蔡九峰沉贊

帝王治道

典冊具布

秦人毀裂

漢儒訓詁

微辭奧義

湮塞晦蒙

子能發揮

百代爾宗

宋寧宗像



宋寧宗贊

始政清明

登用儒碩

繼體守文

競業靡失

丙斥正學

外挑強隣

權奸何誅

彼哉曷君

宋理宗像



宋理宗贊

允矣賢德

儼然儒紳

表章正學

崇重關閩

虛名徒存

實踐未有

儒效不白

匪道之咎

宋度宗像



宋度宗贊

度宗紹圖

國事日去

奸邪肆行

忠義屏氣

忘情軍國

恣樂宮闈

天亡由人

已矣曷悲

劉文簡公雲莊像



劉文簡公雲莊贊

學本考亭 鄒魯的傳

旁參東萊 亦會其源

表章四書 經筵啓沃

體國忠誠 備見三畧

真文忠公西山像



真文忠公西山贊

求道孜孜

正學是繼

立朝侃侃

力扶大義

衍義一書

發揮詳明

執此以治

王道可成

文丞相文山像



文丞相文山贊

烈烈文山 忠節孤勁

身荷綱常 報宋烈聖

正氣不亡 百世猶昨

山川峙流 風霆磅薄

謝豐山君直像



謝豐山君直贊

蚤歲英邁

議論激發

晚遭崎嶇

不失臣節

飽忠飫義

我腹匪枵

充然而歸

文山並高

饒雙峰仲元像



饒雙峰仲元贊

道發紫陽 瑩徹具足

子也承學 篤志佩服

尊德道問 益精以詳

離同合異 將無贅龐

元世祖像



九世祖贊

雄武以斷

聰明而仁

胡夷間氣

篤生此人

驅策賢豪

振揚武烈

繼統中華

式欽大業

耶律文正王楚材像



耶律文正王楚材贊

用夏變夷 輔仁勝殺

彌縫化工 洗濯日月

作創立帝制 底綏民生

仁者之功 孰能與京

臨淮王伯顏像



臨淮王伯顏贊

臨淮桓桓 嚴凝若神

百萬羸貅 御如一人

討定江南 混一九土

武功洸洸 永載盟府

劉文正公秉忠像



劉文正公秉忠贊

脫迹空門

致身台鉉

大計密謀

忠勤不倦

灑京崇崇

王氣所鍾

定鼎宅中

名公之功

許文正公魯齋像



許文正公魯齋贊

尊聞行知 潛心聖道

豈惟堂基 已及閭奧

司馬篤實 伯子粹純

考亭之後 見子一人

劉文靖公靜軒像



劉文靖公靜軒贊

宅心高明 立志堅勇

擇義既精 任道亦重

泥塗軒冕 寤寐聖賢

威鳳九霄 其飛翩翩

姚文獻公樞像



姚文獻公樞贊

立志卓越

倡道蘇門

上沂鄒魯

下探關閩

蹇諤在朝

立綱陳紀

身尊道行

莫窺其際

程文憲公雪樓像



程文憲公雪樓贊

貞柔不失

大雅有容

昭回制作

文飾帝躬

敦凝厚龐

像或其似

望之儼然

可媿薄鄙

廉文正公希憲像



廉文正公希憲贊

廟堂謨謀 方面專制

淵淵嘉猷 烈烈正氣

軻訓義利 孔戒孝忠

一世人豪 嗚呼廉公

歷代聖賢像卷十一
吳文正公澄草廬像



吳文正公

澄
草廬
贊

早歲英邁

晚就平實

潛心六經

殫力著迹

朱陸偏全

成說具存

自子論定

異言日紛

趙文敏公松雪像



趙文敏公

松雪
夫貝

前代王孫

異時翰學

粹質令儀

高吟大作

繪事擬聖

墨妙入神

文采風流

照映後人

許文懿公謙像



許文懿公謙
先貝

山川蘊靈
哲人繼出

子承三賢
亦克紹述

沿流沂源
直窮崑崙

紫陽之道
得子益尊

虞文靖公邵庵像



虞文靖公邵庵贊

魁凝巨人

淹貫博學

探求本原

馳騁制作

經綸之妙

寓於文辭

弗盡厥用

後世惜之





原件短缺

P105下半页缺



